



C U R A Ç A O

MINISTERIE VAN VERKEER, VERVOER EN
RUIMTELIJKE PLANNING

***** KOMUNIKADO *****

15 di mart 2011

MINISTER ING. CHARLES COOPER A REUNI KU ALKALDE BERENDS I DIPUTADO DE KLEINE DI MUNISIPIO HARDEWIJK

WILLEMSTAD – Resientemente Minister enkargá ku e kartera di Tráfiko, Transporte i Planifikashon Urbano di Kòrsou, Ing. Charles F. Cooper MSc a reuní ku tantu e Alkalde komo e Diputado di e Munisipio Hardewijk di Ulanda drs. John Berends MPA i Sr. Laurens de Kleine respektivamente. E kombersashon aki tabata unu pa sera konosí i tambe interkambiá di idea ku otro.

Minister Cooper a mustra tantu e Alkalde Berends komo Diputado de Kleine riba e diferente tareanan ku e tin komo mandatario den Gobièrnu di Kòrsou, miéntras ku di otro banda, pa Alkalde Berends tabata su promé biahe pa aki banda i e ta sumamente enkantá pa loke e por a eksperensha di Kòrsou.

Na e okashon aki, Minister Cooper a probechá pa hasi donashon di un bunita buki di Kòrsou na e dos representantenan di e Munisipio di Hardewijk, miéntras ku di parti dje Munisipio Ulandes, nan tambe a hasi Minister Cooper regalito.

Riba e kombinashon di foto aki por mira momentu ku we interkambio di regalo a tuma lugá entre Minister Ing. Charles F. Cooper i drs. John Berends, Alkalde di Munisipio di Hardewijk i tambe Diputado Laurens de Kleine.

Atentamente

Giovanni Atalita
Kolaborador di Komunikashon
Minister Charles Cooper